

Blachi di instruccion 2 Weganan di antes



Ta pertenece na actividad 2.2

Bo yiu ta siña:

- Cua ta e weganan di antes.
- Ki diferencia tin entre e weganan di antes y e weganan di awendia.

Bo tin mester lo siguiente:

- Blachi pa copia: Weganan di antes.

Kico bo ta haci cu bo yiu:

STAP 1. COMBERSACION TOCANTE ANTES

Conta bo yiu di bo infancia. Cua tawata e weganan cu bo tawata hunga, tempo cu bo tawatin mesun edad cu bo yiu? Ki wega bo tawata hunga na cas y ki wega na scol? Conta tambe cu ken bo tawata hunga e weganan.

STAP 2. WEGANAN DI ANTES

Hunga un wega cu bo yiu cu abo tambe tawata hunga antes. Tambe bo por scoge un wega for di 'Weganan di antes' cu tin skirbi.

STAP 3. WEGANAN DI ANTES Y DI AWENDIA

Busca hunto cu bo yiu si tin algun wega di antes cu awendia nan ta hunga ainda. Traha un lista hunto cu bo yiu di tur e weganan aki.

STAP 4. PINTA

Laga bo yiu pinta un di e weganan cu nan tawata hunga antes y ainda nan ta hunga. Laga e mucha hiba su pintura scol.

WEGANAN DI ANTES

Fuente: Weganan di Antes, Ruby Eckmeyer en Alvaro Maduro

GANCHO

Cantidad di hungado

Un solo persona por hunga gancho.

Pero hopi biaha tin un persona cu ta traha e forma di e gancho y tin un persona mas cu ta mira e wega di gancho cu e persona ey ta traha. Pero mayoría biaha tin dos of persona cu ta sinta hunto cada un cu un gancho den nan man y un ta siña otro con pa traha e ganchonan.

Acesorio

Loke tin mester pa e wega aki ta un liña di catuna di mas of menos 40 cm largo.

Ta mara e dos puntanan di e liña na otro y ta pasa e liña na bo dos mannan meymey di bo duim y bo pink. For di akinan ta traha diferente forma cu e liña.

Reglanan di gancho

Por traha e forma di:

- Copi cu scoter
- 2 te cu 20 gancho (hoki)
- Pia di galiña etc.

REI (JACKS)

Rei ta un wega cu ta hunga cu un cantidad di 11 piedra. Bo ta hunga rei sinta abou den kring.

Cantidad di hungado

Por hunga jacks cu 2 of mas mucha. Ta recomendabel pa hunga cu 4 mucha. Pero un persona so tambe por hung'e.

Acesorio

Un piedra ta mas grandi y menos rondo compara cu e otro 10 piedranan cu ta mas chikito y rondo halto. E piedra plat-rondo mas grandi color preto tabata yama 'rei'.

10 piedra di mesun tamaño ta forma un set. Tabata usa e piedranan blanco chikito.

Reglanan di jacks of rei

E prome hungador ta coi tur e 10 piedranan den su man y tira nan riba un suela/vloer fini. Mester percura pa nan no cay mucho leu for di otro.

Despues e ta tira e piedra rondo den laira y ta purba coy e piedranan un pa un.

No ta permiti durante e ehersisio aki pa su man mishi cu un otro piedra si no ta esun cu e ta bai coy.



Ora e caba di coy tur, e ta sigui, pero awor e ta coy nan dos dos, despues tres tres, te ora e por coy nan tur pareu. Ora e caba completamente, bo ta bai den direcion contrali, es decir, e ta coy nuebe laga un abou, ocho laga 2 abou.

Despues e ta bai piki. Esaki ta nifica, cu e ta coy dos rei den un hunga, mientras e ta tira e piedra rondo halto, cu un movecion rapido e ta coy un piedra y mes ora un mas.

Despues tres, etc te ora e kaba. Mientras e ta progresa den e parti aki, e mester tira e piedra hopi halto pe e por logra hasi tur e movecionan, prome cu e kai of bin abou.

Si e no cumpli cu e reglanan, e ta fout, anto ta toca turno na un otro mucha.

Anekdotu, tips of remarke


Djul ta un wega ku muchanan tawata hunga antes sea hopi na scol of den tempo liber na cas.

STINKI (TIC TAC TOE)

Tin dos diferente forma di hunga e wega cu yama Stinki.

Uno ta un wega cu bo ta hunga marcando un cruz of un circulo den hoki cu bo ta pinta pa medio di 4 liña.


E otro ta un wega cu bo ta hunga pa medio di move un piedra of un dopi di boter riba un pintura cuadra, formando e liñanan di cruz y di x den e cuadro.



Acesorio

Loke tin mester ta un pen ku papel, of si ta wordo hunga riba vloer mester soru pa pinta e forma riba e vloer. Riba un suela di tera tambe por pinta e forman.

Pa e wega di move un piedra of dopi, un persona por ehempel tin 3 dopi cora y e otro tin 3 dopi blauw



Cantidad di hungado

Solamente 2 persona por hunga e wega aki.

Reglanan di stinki

Pa gana e wega di stinki mester trata di forma un liña recto cu e dopinan cu bo tin, of cu forma cu bo a scohe pa hunga cune. 3 mesun forma diagonal, horizontal of vertical den rij pa asina por gana. Ta uza solamente 3 dopi di cada color pa hunga stinki.

Ora ku no logra forma 3 den e forma nan ja menciona, mester usa táctica i strategia i hopi bon observación pa logra gana e wega.

E wega aki ta rekeri : strategia, táctica i observación

Anekdotu, tips of remarke

E manera ku stinki antes tawata wordo hunga, awendia ta wordo jama Tic Tac toe

MOLINA

Molina ta un wega di borchi of por pinte tambe riba vloer cu casi mesun salida di pensamiento di wega ku stinki. Pero Molina ta wordo hunga ku 9 dopi (obheto) pa persona I tin mas posibilidad.

Cantidad di hungado

2 persona

Acesorio

Loke tin mester pa e wega aki ta un borchi pinta ku e linja nan, of sino cu krijt ariba vloer.

E punto di salida ta pa forma 3 mesun forma of color diagonal, horizontal of vertical den un rij pa asina por gana.

Pero naturalmente e contricante no lo laga esaki sosode asina fácil i lo trata di blokia otro na tur momento. Una bes ku tur 2 hungador a pone nan 9 dopi den e wega.

E wega di strategia, táctica i hopi observación ta bin den wega.

Ta bai trata pa forma 3 riba rij door di move bo fichanan, i si bo logra 3 ariba un rij, bo lo mester come (coi cualkier ficha di bo contricante).

Hasiendo esaki bo ta trata di kita e chens di bo contricante pa e por forma 3.

Loke ta importante pa menciona ta ku e wega ta bai om de beurt. Ja asina e ta mas fair.

E wega aki ta rekeri: strategia, tactica y observacion

STELTEN

Bo mester dos lata, na altura di 80 cm, bo ta klabá 2 bloki di palo, corta na forma triangular, di manera bo por subi y para riba nan.

Cantidad di hungadoReglanan di stelten:

Bo ta coy e latanan bou di bo brasa y subi para riba e blokinan. Asina aki bo por cana rond, bula cana rond cu paso grandi y kore duru tambe.

Tambe por hasi un sorto di "lucha libre" riba stelt. Bo ta keda pusha otro, te ora esun mas debil riba su "pia" cay.

PELE

Pele ta un wega di hoki di 1 te cu 10.

Cantidad di hungado

2 of mas. Depende cua pele tin pinta. Awendia tin pele 3D.

Reglanan di pele

Cada mucha tin un piedra den man, na su turno e mucha ta tira e piedra den nr 1.

Djey e tey purba bula den 2 i 3 cu ambos pia manera ta pinta, djey bula den 4 ku un pia i sigi pa 5 i 6 cu ambos pia atrobe.

Ora e jega nr 10 e ta dal un buelta i ta bolbe bai den direccion contrali, es decir, e ta bula den 8 i 9 bai un abou. Ora e jega na nr 1 e ta coi e piedra i salta e nr ku e piedra tabata aden.

Ora cu hasi un fout e siguiente mucha ta hanja su turno.

CORE WIL OF CORE TAYER:

Pa core wil bo mester di un wil di baikel bieu, cual ta corta saka tur e spaknan.

Ademas bo mester un pida palo of un pida tubo di plastic di coriente, esaki bo ta pone den e rooi di e rim anto bo ta pusha esaki bai dilanti.

Bo por cana, core, lora skina I draai rond I hasi masha kenshi mes.

For di lew bo por tende ku algun mucha ta core wil

Kico ta un tayer?

Tayer ta un tayer di auto bieu ku no ta wordo uza mas.

Core tayer ta un poco mas dificil, pa di prome mester un tayer bieu di auto. Tin 2 manera ku por hunge.

E prome sistema ta ku pida palo di 30 cm ta keda batie tayer mande dilanti.

Pa bo lora bo ta primi e palo den e canto di e tayer bo ta lage len den e dirreccion cu bo ke pa e lora. Pa e brake bo ta primi e palo riba e tayer te ora e baha velocidad. Por usa man bashi pa batie tambe.

E di dos sistema ta poco mas dificil, pero cu mas posibilidad

Bo ta koi 2 lata di mas o menos un meter I mei, bo ta pasa nan den e coba di e tayer I bo ta tene nan bou bo brasa.

Den e tire nan bo ta pone tiki awa of zeta pa e palo nan slip mas facil.

Ora bo pusha e palo nan dilanti dimes e ta slip den e coba di e tire i cuminsa core.

Bo por hasi diferente kenshi I tambe hunga pusta.

Cantidad di hungado

2 of mas

BULA CABUYA

Bula cabuya ta un wega cu ta wordo hunga den 3 mucha.

Cantidad di hungado:

Minimo 3 mucha

Acesorio

Un cabuya di 3 meter of mas.

Reglanan di bula cabuya

Dos mucha ta draai cabuya i un ta bula.

Ora di bula ta conta ta cuanto biaha e ta bula bon sin hasi fout. Dus ta hunga pa wak ken ta bula mas hopi. Asina ta sigi hunga i competi den nan tres

Otro manera di hunga bula cabuya ta door di zoya e cabuya di links pa rechts i ta conta ta cuanto biaha ta bula sin fout.



WEGA DI CASHUPETE

Cashupete ta un fruta ku antes ta wordo comi masha hopi mes door ku famia nan mes tawata plante.

Cantidad di hungado

2 te 4 persona

Acesorio

Pa hunga wega di cashupete mester tin naturalmente cashupete. Paso esey ta e wega.

Cada persona mester tin 6 of 8 cashupete.

Pa cuminsa e wega mester saca ken ta bai tira prome, di dos, di tres i di cuater.

Esaki ta logra haci door di trek un linja i wak ken ta tira i cai mas serka di dje, esun mas serka ta prome, di dos etc.

Tambe ta stipula e distancia di unda mester para pa por tira.

Prome cu cuminsa e wega mester palabra ta cuanto cashupete ta pone den "hollo".

Hollo ta un hol coba den e santo, si no tin santo ta pone un baki di plastic i un serbete, shirt aden pa asina e cashupete nan no bula sali ora di tira nan.

Normalmente ta pone 2 cashupete pa persona den e hollo.

2 cashupete den man pa asina por tira durante wega

Esun cu ta prome pa tira mester "canta" bisa loke e tey hunga prome ku e tira.

